

THATHA FIVE

Impilo yomthandazo wokunakekelana

Icebo elilula lokufinyelela abantu abadinga isibusiso sika Nkulunkulu empilweni zabo

Lo ngumqondo olula wokukuncedisa ufinyelele abantu ngevangeli lika Jesu Kristu. Kwezinye indawo bathi *livangeli ngomkhuleko* (Prayer Evangelism) Leli licebo elilula elingasetshenziswa yiwo wonke ama Kristu ukufinyelela abangane, imuli, labomakhelwana.

Okokuqala

Khetha abangane kumbe abemuli ongabathandazela babebahlanu

Khuleka ucele uNkulunkulu akuphe amabizo ezihlobo, abangane, omakhelwane, osebenza labo kumbe ofunda labo abadinga isibusiso sika Nkulunkulu labaswela u Jesu empilweni zabo babe bahlanu.

Bhala amabizo abo:

1 _____ 2 _____
3 _____ 4 _____
5 _____

(Lokhu ungakwenzi kube ngumthetho. Nxa ubona angani abahlanu banengi ka khulu ungaqala ngababili kumbe abathathu; kanti kulungile lakho nxa ungathandazela abadlula abahlanu. Ukuthi qala ngabahlanu kuyikubona kwethu nje)

Okwesibili

Bakhulekele izibusiso ezinhlanu ngelanga okwemizuzu emihlanu kusiya kwelitshumi okwamalanga amahlanu ngeviki

Bathandazelele lezi izinto ezinhlanu

- **Umzimba** impilakahle, ukuvikeleka lamandla
- **Umsebenzi** umsebenzi, inzuzo, lokuhlaliseka
- **Imizwa** intokozo, ukuthula, ithemba lothando
- **Social** uthando, umtshado, ukuhlalisana lemuli, abangane, omakhelwana lasemsebenzini
- **Okuka Moya** Insindiso, ukukholwa, umusa, uzwelo lokukhula kwezika Moya

(Ungengezelela ezinye izinto ongazithandazela kodwa qala ngalezi ezilotshiweyo)

Nxa ubathandazelela insindiso cela uNkulunkulu ukuthi ngamandla langokusebenza kukaMoya oNgcwele abantu laba baqale ukuzibuza le imbuzo:

- Ngubani engingamthemba?
- Injongo yami yempilo yiyiphi?
- Ngizakhululwa nini?
- Ngizakuyangaphi mhla ngisifa?
- Ngimzondelani uNkulunkulu? / Ngimbalekelelani?
- Indubo zami ngingathini ngazo?
- Kungaphi lapho engingazizwa ngivikelele? / Ngubani ongangivikela?

Okwesithathu

Banakekele laba bantu ngokubancedisa nxa belezidingo

Kambe kukhona yini ongakwenza okudlula ukuthandaza? Yebo kukhona! Ungaqala ukubathandazela laba abane, qala njalo ukucela iNkosi ikusize ngoku banakekela. Omunye angagula, mphekele ukudla umhambisele, umsize ngokumhambisela abantwana esikolo, umwatshele impahla zakhe. Omunye angafelwa yimota, umsize ngokumhambisa emsebenzini ngemota yakho kumbe njalo umeboleke imota. Zonke izikhathi bangaba lezidingo ubatshela ukuthi uzabathandazela. Ubabuze ukuthi bayavuma yini ukuthi ubathandazele, cela ukuthi uNkulunkulu abasize njalo ababusise.

Okwesine

Batshela ngo Jesu lango buhle buka Nkulunkulu

Dinga amathuba okwabelana labo ngo Jesu. Ungababambi ngamandla. Laphalalapha phosela umbhalo, batshela langezinye impendulo zomthandazo uNkulunkulu aphenyule ngazo, ubusucela ukubathandazela. Usabathandazela, ubanakekela, ubungane benu busakhula amanye amathuba azavuleka ubusubafakazela ngalokho wena okukholwayo.

Okwesihlanu

Phikelela kuze kuphele umnyaka

Ukwenza lezi izigaba ezinhlanu ekuthandazeni kwakho kukusa kule into okuthiwa yi prayer-care-share lifestyle. Le yindlela elula ukuthi uyenze, njalo engesabekiyo yokufakaza ngo Jesu engenziwa laloba ngubani, labantwana bangayenza.

Kungani kufanele ngibusise omakhelwane bami?

Unkulunkulu wathi ku Abraham uzambusisa u Abraham njalo izizwe zonke zomhlaba zizabusiwa ngaye (Gen 12 v 3). Ku Manani 6 v 24-27 u Nkulunkulu ufundisa uAaron ukubusisa abantu; “ Inkosi ilibusise, ililondoloze. Ikhanyise ubuso bayo phezu kwenu, ibe lomusa kini. Inkosi iphakamise amehlo ayo ilikhangele, ilehlisele ukuthula. Ngokunjalo bazakubiza ibizo lami phezu kwabako Israeli, ngibabusise.” Ku Johane 1v16 sifundiswa ukuthi ngaye u Jesu samkeliswa umusa phezu ko musa. Ku Genesis 1 sifunda ukuba ngemva kokuwudala umhlaba, u Nkulunkulu wawubusisa. Unkulunkulu uyafuna ukubusisa abantu njalo ufuna babusiseke. Imibhalo itshengisa ukuthi abantu abangu 98 phakathi kwabangu 100 bayavuma ukuthi bathandazelwe ukuze uNkulunkulu ababusise.

Ithandazwa njani imithandazo yoku busisa?

Unga: a, khuluma isibusiso phezu kwabantu (E.g Ngiyakubusisa ngegama lika Jesu) b, Ungacela Ukuthi uNkulunkulu ababusise (E.g Baba, ngiyacela ngegama lika Jesu ukuthi ubusise uzibanibani) Babusise ngegama lika Jesu uthandaze umusa lozwelo luka Nkulunkulu phezu kwabo.

Umzekeliso wo mthandazo wokubusisa

“Inkosi ikubusise ikulondoloze: ikhanyise ubuso bayophezu kwakho ibe lomusa kuwe. Inkosi iphakamise amehlo ayo ikukhangele, ilethe ukuthula kuwe. Ukuze bafake ibizo lami ku Israeli ngizababusisa” Amanani 6 v 23-27 Baba ngibiza igama lakho phezu kuka zibani, umbusise umlondoloze namhla nje. Nkosi khanyisa ubuso bakho phezu kwakhe ube lomusa kuye. Baba phendula imithandazo yakhe umuphe ukuthula.

Eminye Imibhalo engasetshenziswa emthandazweni wo kubusisa

- Kabongwe uNkulunkulu, uyise weNkosi yethu u Jesu Kristu osibusisileyo kuKristu ngesibusiso sonke sokomoya ezulwini. (Eph.1:3)
- Umusa we Nkosi uJesu Kristu, lothando luNkulunkulu, lokuhlanganela kuka Moya oNgcwele kakube lani lonke. (2 Cor 13:14)
- Umusa we Nkosi yethu u Jesu Kristu kawube lani. (1 Cor 16:23)
- dUNkulunkulu wami uzakugcwalisa konke ukuswela kwenu ngobunengi benotho yakhe ku Kristu Jesu. (Phil 4:19)
- UNkulunkulu wokuthula uqobo, kalenze libe ngcwele ngokupheleleyo, kulondolozwe umoya wenu wonke lomphfumulo lomzimba, ukuze lingasoleki ekufikeni kweNkosi yethu uJesu Kristu. Uthembekile yena olibizayo; futhi uzakukwenza lokhu. (1 Thes 5:23-24)

Kungani lelicebo lisebenza

- Abasibobonke abalesiphiwo so buvangeli kodwa sonke siyenelisa ukuthandaza, lokhu kugqela lalabo abalobunzima bokukhuluma labanye mayelana lokhololwabo.
- Le yindlela engethuseliyo yokuthandazela abantu lokwakha ubungane labantu, ngendlela nje elula uqala ukubatshela ngo Jesu.
- Abantu abanengi bakhululekile ukulalela lokhu ongabatshela khona ngoJesu nxa bekubona sobala ukuthi wena uyabathanda njalo uyabanakekela. Esikwenzayo kuqakathekile okwedlula esikukhulumayo.

Isimo sakho nxa uthandaza

- Thandaza ngokukholwa-uNkulunkulun uyaphendula umthandazo (Heb.4:16, 11:6)
- Thandaza usazi ukuthi kuNkulunkulu konke kuyenzeka (Mark 10:27)
- Thandaza ngozwelo (Matt 9:36)
- Thandaza ngokuphikelela (Luk 18:1)
- Thandaza ngenhliziyo emsulwa (Prov 28:9,13)

Ukuthandaza Labanye

Ungathandaza wedwa, kantike kungcono njalo kuyakhuthaza nxa ungazuza abanye abanga *Thatha Five* lithandaze ndawonye. Ungakhuthaza imuli yakho lithandaze ndawonye kumbe abe cell group bangakwenza ndawonye lokhu, kumbe ungadinga ababili noma abathathu, emsebenzini kumbe esikolo lithandaze ndawonye.

Imibhalo Yomthandazo

Nansi eminye imibhalo ongayisebenzisa ngesikhathi so mthandazo Joh.3:16, Joh 6:63, Joh 6:44, John 5: 21, John 16:8-11, 2 Cor 4:3-4, 2 Cor 10:3-6, 2 Pet 3:9, Matt 18:14, 1Tim 2:3-4.

Khululeka ukwenza ama “copies” encwajana le uwanike abanye abantu.
Incwajana le ayilawo umthetho owenqabela ukwenza njalo.

Jericho Walls International Prayer Network

Private Bag X22, Lynnwood Ridge, 0040, South Africa

Tel. + 27-12-365 3213, Fax + 27-12-365 3214,

Prayer Network: info@jwipn.com / www.jwipn.com

24/7 Prayer: info@global24-7.org / www.global24-7.org

TAKE FIVE - Ndebele
